


19.06.2013.



ponedeljak 17.06.2013.godine održana je 2.redovna sjednica Ekonomsko-socijalnog vijeća BPK Goražde na kojoj su se izmislili ostalog na dvije važne tačke dnevnog reda i to:

Izveštaj o radu i izvršenju Finansijskog plana J.U. Služba za zapošljavanje BPK Goražde za 2012.godinu i Izveštaj o radu i izvršenju Finansijskog plana Zavoda Zdravstvenog osiguranja BPK Goražde za 2012.godinu.

Sjednici su pored članova vijeća prisustvovali i predstavnici Službe za zapošljavanje Edina Delić i Erna Čagara, direktor Zavoda zdravstvenog osiguranja Ferid Pleh i sekretar Udruženja poslodavaca BPK Goražde Adnan Bukva.

Na sjednici su po ovim tačkama dnevnog reda doneseni slijedeći zaključci:

Služba za zapošljavanje BPK Goražde:

Ekonomsko-socijalno vijeće BPK Goražde prihvatilo je Izveštaj o radu Službe za zapošljavanje BPK Goražde za 2012. godinu. Služba je u 2012. godini izvršavala svoje obaveze radi stvaranja pretpostavki za poboljšanje kvaliteta ponude radne snage na tržištu rada, poticanja potražnje za radnom snagom, te sticanja povjerenja i uspješnu saradnju partnera na tržištu rada.

Kako se vidi iz finansijskog izvještaja raspoloživa sredstva su se usmjeravala u programe aktivne politike zapošljavanja i pored uslođene socioekonomske situacije u Bosni i Hercegovini i Bosansko-podrinjskom kantonu Goražde, što je značajno utjecalo i na stanje na tržištu rada, odnosno otvaranje novih radnih mjesta i ukupni ekonomski napredak.


Ekonomsko-socijalno vijeće BPK Goražde smatra da je Služba za zapošljavanje BPK Goražde svojim angažovanjem i kreativnim radom dala značajan doprinos u zapošljavanju i edukaciji kadrova nezaposlenih osoba na evidenciji Službe za zapošljavanje BPK Goražde.

Zavod zdravstvenog osiguranja BPK Goražde:

Ekonomsko-socijalno vijeće BPK Goražde prihvatilo je Izveštaj o radu Zavoda Zdravstvenog osiguranja BPK Goražde za 2012. godinu. Konstatuje se da je Zavod u 2012. godini svoje aktivnosti usmjeravao u skladu sa djelokrugom rada utvrđenim Zakonom o zdravstvenom osiguranju, Zakonom o zdravstvenoj zaštiti, kao i drugim podzakonskim propisima koji regulišu rad poslovanja Zavoda.

Kako se vidi iz finansijskog izvještaja raspoloživa sredstva su se usmjeravala na racionalan način i u skladu sa propisima.

Date su i određene sugestije navedenim institucijama na koje će se poboljšanje kvaliteta pružanja usluga.



Pored ovih tačaka dnevnog reda članovi Vijeća su se upoznali sa Javnim pozivom Ministarstva za privredu BPK Goražde za Program podrške razvoju privatnog sektora i izvozne industrije, koji ima prvenstven cilj za nova zapošljavanja, kao i razvoj kako

malih tako i izvozno orijentisanih preduzeća.

Za slijedeću sjednicu Vijeća planirano je da se razmatra Zakon o komunalnim djelatnostima i Zakon o kantonalnim ministarstvima i drugim tijelima uprave.

Tehnika sluba